

越縵堂詩續集

序

會稽李蓴客先生詞章考據之學爲清季冠讀書餘暇尤工爲詩自髫髻
訖迄於老不輟而其手定刊行者僅白華絳附閣初次集十卷自甲辰至
甲戌八百五十首自乙亥以後所爲杏花香雪齋詩二集迄未付梓歲壬
戌得北京浙江公會景印先生越縵堂日記五十一冊公餘瀏覽則先生
未梓之作悉散見於日記中因順次編錄自乙亥至甲申之詩都爲十卷
以繼白華絳附集之後於是先生平生所作殆十得八九矣先生一生備
歷艱屯家國變故一寓之於詩自謂存之足以徵閭里之見聞鄉邦之文
獻而國是朝局之是非亦或有可考焉至其沉酣典籍摘詞淵雅氣息醇
粹功候湛深讀者當自得之固無俟卮語之導揚也

共和十一年冬姚安由雲龍識於涵翠樓

越縵堂詩續集第一卷

清會稽李慈銘愛伯謨

姚安由雲龍夔舉編

劉鶴山師潘星齋丈小集寓齋星丈賦詩見贈奉答短歌

以下乙亥

春風十日吹雪晴市中浩浩鴉鵲聲閉門僵臥絕剝啄惟公杖履時將迎
茅堂櫓炭一壺酒折頸葫蘆伴三韭清談所舉輒會心塵世難逢笑開口
識公廿載鬚皓然優游京輦如林泉兒曹袞袞據臺閣衣冠誰識人中仙
新詩落紙總清妙吐納煙霞振鸞嘯偏喜覓句商山人不肯拈花示年少
我生結契江湖中漁樵歌唱稱能工自入長安落塵海筆頭所至無春風
湖塘烟水柯山石兩地牽船未營宅得公詩畫相映輝邱壑千秋照丹碧
兩翁相對清且癯我亦鬢鬢稱老夫幾時釣艇相隨逐萬樹梅花壓石湖
元夜懷星齋紱庭兩丈時星丈新得曾女孫紱丈有小恙未癒各得

絕句一首

白鬚紅鳥鬪年華
璧月團欒宰相家
奪鳳霜茶燈宴裏膝
前春發一枝花
總覺春風杖履輕
試茶量藥稱閒情
戟門夜宴停燒燭
愛向梅花看月生
星齋侍郎雪後招飲次日賦謝

梅花晴日敞朱門
扶杖相邀笑語溫
前夜雪痕明竹石
首春風信上琴尊
蓴鱸盡入三吳饌
松鶴長怡五畝園
自是吐茵東閣地
典型耆舊至今存
次日偕嚴六谿戶部袁爽秋舍人和濮紫泉比部子道至龍樹寺眺

城南殘雪久坐兼葭窻

昨飲侍郎宅竹樹清
且寒因之發佳興
看雪來郊墻城南多古寺
興誠據

廣遠寺建於唐名興誠寺國朝已久地嘉慶中有松筠梅一斷四節餘
之為松筠下院種植倒垂槐一樹金匱顯侍郎奉顯曰龍樹寺最

愛兼葭窻面場恰開軒
積素半已消林阜何斑斑
流澌滿平壤水鳥鳴關

關森森郊壇樹渺渺墟里烟城堞澹回繞亭榭標晴鮮予懷本幽寂況此
初地閒蕭疏不可極久坐忘行還嚴生本畸侶二子能清言欲盡殘雪理
晚對樓上山

星丈詩中言虞山之勝因憶昔年秦宜老曾相約移家悵然賦之

詩成忽憶秦宜叟曾話虞山好景來飛瀑瓏玲滿松桂晴嵐深淺出樓臺
買田陽羨終難必化鶴遼城豈重回吾谷烟霞無恙否祇應猿鳥有餘哀
匡伯惠唐花牡丹兩盆下承以水仙賦兩絕句爲謝

風情合作探平花使獨向天甯平寺裏回最愛朝衫騎馬並擔頭一路牡

丹開

都中天寧寺
賣花最盛

曾記小桃梅作媵翻風還倚宋緯憐昔年里居時君曾
戲梅花碧桃四樹也嫌富貴冬烘色

爲借浚波配水仙

乙亥清明寓中祀先感賦二首

清明作客總淒然典得朝衫也薦先麥飯祇供貧士饌紙錢誰上郭門船

桃花津渚新停鼓楊柳人家欲禁烟為問京華何事業滿頭霜雪不歸田

丙舍移家得幾時松陰鐘梵不勝思六峯翠靄尚書塢一曲清谿下相祠

先甘祖墓在清渚金欽離近六峯山有謝尚書塢先考妣墓在頃里有清
溪十八橋項王祠在焉清渚之寶齋寺項里之翠峯寺境皆幽絕常欲携

丙舍永叔表阡何日就先祖及本生先嚴右軍誓墓此生遲卅年舊句成

愁絕莫向旗亭唱我詩予十七歲時嘗作上塚詞十餘絕句內一首云紅
橋清渚春風市橋樹亭山網雨天更有謝公遺墨

在交臂人影滿春田頗為時所傳誦予
得詩名實始於此其素久矣聊附記之

去年所移花樹半死今年復補栽之戲成兩絕句示後人

詩老朱藤翰長梧先生風調復何如元規塵土何須問日有清陰為掃除

叔孫所至須完葺曾子臨行戒毀傷他日莫逢蕭少府盡刊花艸種衰楊

乙亥上巳日游慈仁寺看花復至法源寺探丁香出飲酒家歷龍樹寺而歸

三月三日春氣佳出游宣武城西街慈仁蘭若據大道當門老樹相推排
寺寂僧貧鳥聲樂百級香臺聳危閣蒼松偃蹇而地風吹過山桃亂花落

春陽暉暉開午晴一枝豔照映梅明

北地有榆葉梅繁英淡紅千葉而小
爾雅時英梅郭注云雀梅說文作快

梅玉篇作模
梅疑卽此也

石闌久坐狎馴雀經房靜聽茶鐺聲良辰催箭急星火東游

西游無不可憫忠古剎重扣扉萬藥丁香雪猶裹戰土埋骨千年香古德
天花開道場軋犖窅千自屠剝猶誇佛力收漁陽蟻垤爭雄事如此暮鼓
晨鐘等閒耳乘時一醉非偶然杖頭百錢足生死醜顏風送城南來夕陽
千頃蒹葭堆西山爲我掃眉黛贏得浮生笑口開

後種花兩絕句示家人

先生性癖只耽花紅紫閒庭丁倒斜有地今朝還種樹無錢明日便移家
莫笑囊中無一錢園官圃老識經年何時結就團蕉屋萬樹花中自在眠

予嘗有桃花萬樹一箇
圖之句願畫師續爲圖

恭賦嘉順皇后輓詩二章

纔唱廉歌送素車永安宮裏咽悲笳碧桃愛種千年果白柰愁簪二月花
阿母層城誰遣使玉皇天上自攜家靈衣颯颯因風舉知是長門望翠華
凶門柏歷罷緜儀猶象深宮大練衣扶荔風香圖史富濯龍花發宴游稀
傷心寶玦辭瑤媵幾見圓璫妒玉妃鳳御裴回知有恨平明銜命向金微

夏晚偕匡伯試茶龍樹寺

暫學清涼法招提就夕陽林迴連堞勢蘆缺見山光鳥去孤烟定風來衆
綠忙茶香禪榻畔元賞等濛梁

雨後竹下作三首

我生喜種蕝所至無田園
竭來京華居間歲常數遷
偶賃一弓地荷雷彌拳拳
種樹八九本栽竹四五竿
其下有隙壤蘿蔓相延緣
一當新雨過蔥翠紛盈前
弱枝手扶將敗葉爲棄捐
人世苦逼仄所樂胸懷間
萬物各有託吾事同精專

修竹生亭亭其志非異俗
雜卉互依附葦施共蕭薄
高下雖殊資拭濯競新綠
聖人一定名貴賤遂殊目
雖有賤場師不能毀佳木
人生同一形所別在慝淑
妍媸尙能分賢愚定誰屬
所以柳下徒同流泯榮辱
此事非吾願閉門謝塵黷

昔賢愛花樹其意各有寄
舉世無可友乃結古天契
吾今又異此藉作養生計
每當讀書暇裴回廣庭際
所樂覺有餘尋香步階砌
四顧無與言粲

然識花意亦或嬰煩疴幽憂苦積滯徒倚綠陰中清風洒然至悅若夢故
山攜琴在松桂數葉時理吟艱藥亦知醉陶冶萬物懷卽在一室地林下
成彼風請以言吾志

悼貓

玉獨唐所賞雪獅宋見稱爾身全白質尾黃如栗蒸於種實爲美皮相庶
可憑三歲象我家馴擾不取憎常愛傍書睡我讀如爲聽亦飲硯池水兼
躑瓶花馨茵伏均坐起簾幙無留停我性喜花樹紅紫彌中庭爾也任嬉
戲趁蝶還驅蠅倦或藉花臥怒亦緣木升薄荷偶一醉涼風吹爾醒頗知
主人性良由爾質靈圖史從未觸卉艸避不陵捕鼠獨俊健狙視逞厥能
我日具三韭爲爾治魚鯉時時撫爾戲呼之輒我嘗何期被毒噬一旦委
爾形似悲別其主晴燦死不瞑銅山有大賊惟恐不速殞此類豈爾比痛

惜何能勝襪爾紫纓裹棋爾蒲弱膝差勝吳太傅葦衣篋鉤膺南窪叢冢
地風雨聞佩鈴玉環及崇國相遇當爾矜時逢墦間祭或得沾餘腥我無
次山筆元次山有作詩爲爾銘篇中凡朱厲兩家詞中所用諸事皆不更
出玉璫二語本擬作尙遇張據紫收樓定

絨丈枉過寓廬賦詩屬和依韻奉呈

山林吾自有忘卻在天涯晚竈香菰米秋籬足豆花過從惟老輩相對感
年華杖履公真健行吟到日斜

乙亥九日偕張孝仲朱鼎甫一新袁爽秋租三舍人濮紫泉比部子

遊白雲觀復至天甯寺登高二首

高秋西出鳳城闔直上星壇禮玉眞極漠山川窮大石舊京宮殿自長春
鐘璈雲繞香臺地環佩風傳霧閣人我是元都身再到紫霄今日靜烟塵

前年燕九節來
游是日大風

拓跋當年駐蹕宮莊嚴法界尙稱雄鴉盤塔影寒烟外樹表山光夕照中
貴客壺尊爭片席下方鐘磬遞西風天涯佳節情何限老病登臨幾輩同
以先中書公鑑湖垂釣圖記拓本贈紫泉綴以絕句二首

帛槌茶臼家風在高隱湖西號罟師二百年來田舍盡邨烟猶指柳姑祠
君家舊有西池宅瓜渚秋光萬頃湖棠泉先世居山陰之西何日同尋蕤

笠約綠篷艇子課魚租

雪夜月出校漢書地理志用陶徵君讀山海經詩韻

微雪尙在地月色穿雲疎閒庭宋如繪竹木交寒廬一燈炯相映清光滿
琴書校讀意未已早朝漸驅車還撥地鑪火汲水烹野蔬斜月欲傍窗澹
與籬影俱朱墨徧几案亦或陳畫圖生世苦逼仄大地終何如

絨庭丈以初雪詩索和未有以答夜復得雪依韻卻寄

又見園林雪因之野興長烹茶知夜靜燒燭爲詩忙硯水添新滴鑪灰養
宿香循闌還曳杖花下一徜徉

次夕月下仍校地志復用前韻

積雪消遂盡平楚益以疎明月出寒宇娟然滿田廬遙知故山好深巷人
讀書緣籬見燈火比舍聞紡車飽喫五湖飯嫩搯稽山蔬失計事遠役幸
與書卷俱細戔蘭臺史遐想秦地圖俯仰有餘樂日力將何如

第三夕望夜月明於晝同牧莊紫泉諸君圍爐久話三用前韻

皎月豈常有美人情易疎賴有素心客時來適我廬世事百無競相敦惟
詩書塵垢滿衣袖出門各無車我藏有斗酒近市供嘉蔬燈火動南牖竹
影移與俱野服澹相對此意誰能圖良夜足可惜舍我焉所如

越縵堂詩續集第一卷

南風馮 趙翰飛校

越縵堂詩續集第二卷

清會稽李慈銘愛伯譚

姚安由雲龍變舉編

正月晦日喜雪作 以下丙子

鳳城漸近養花天先試春風六出妍慰望一囊郎吏粟懷人千里孝廉船

謂計備諸君

景靈久設金仙醮太乙新浮玉鼎烟爲道至尊憂稽事中和前日

兆豐年

前時大高殿覺生守時應宮等懸啓齋壇祈禱數日親禱大高是日復下詔二月三日親往祈雨

二月朔日作

送窮迎富又今年未覺春深二月天樂今西嶺風回千樹綠

半城雪散萬家烟畫簾映燭橫梅蕊留香水仙獨念故園花事近

南湖虛待酒人船

憶南鎮春游

南鎮嬉春近若何
禹王廟下幾經過
繞城十里連歌吹
落日千山散綺羅
楊柳綠藏爭舫窄
桃花紅較酒人多
曉風初月湖東路
日夜歸心寄逝波

暮春微陰借秦秋
伊陶仲彞子縝張牧莊孫彥清坐慈仁寺丁香花

下作

倦旅偶相集言尋古寺去
殿合蒼松陰徑積雜花雨
丁香交廣庭密葉點繁素
東西隔池臺濛濛互香霧
掃地坐其下商量理茶具
一磬穿花來始覺遠天暮

夏初借子縝雲門王子裳王攷甫工部
蘇軾楊定勇舍人
蘇軾羊敦叔

刑部
世禮小集陶然亭

漢家城闕對郊壇
佳氣蔥蘢隱几看
平野煖風翻綠葦
遠山晴翠落朱闌

時清想見官曹樂
亭為康熙間江工部蘇督黑窩廢時所構有時刻石老去常知聚會難
猶是江亭

觴詠地夕陽芳草滿長安

歸自城南晚坐花下子縝雲門見過欣然有作

出門意不適巾車命行還我居一畝宮竹樹殊清閑
禮花殿餘春新葉媚晴鮮脫帽坐籬下呼僮候茶烟
開徑望二仲日夕聞款關山居幾兩屐點破蒼苔斑
素心良不易清談有餘懽空庭生暝色碧雲依遠天
徙倚晚柯下惜此須臾閒

寄子縝

唐重進士科利祿稱極選積重千餘年它涂弗敢踐
有明設庶常翹材最尤雋其始比列宿肄讀恣祕典
上以儲論思次亦備編撰國朝盛文教華擢過禁鬱
坐臥歷臺閣壽考必鼎鉉趨榮漸波靡濫迹遂漫衍
金銀踵故事顯翊習貶舛舉止類風狂應對若吃齋
鷓鴣滿上林不必爾顏覩吾子

淵雲徒潛思炳丹篆六藝資盤饋百家抉轄鍵餘事及文章繽紛濟清辨

區區致青雲豈足爲子善此中有老宿儒林號弁冕朱竹西毛河全惠謝作鳳

錢竹戴東王石孫如洪北阮靈吾子夙服膺絕學將大闡行爲吾道光非

特詞苑顯任彼驅鳥流蒙頭食香歿行藏雖殊塗述作庶共勗集賢與北

門蓬萊等清淺

寄伯寅侍郎

我聞昔如來捨身食餓虎亦有慈悲狸銜肉以擲鼠美人織雲裳頗亦乏

機杼顧抱衣被懷窮簷徧覆咻十年掌計臣脂膏竟空處豈知偃臥客朝

饑待懸釜予也習微尙鯖骨不能嫖匿迹畏鬼憎形忘甘草茹裹飯無子

桑篋漿絕狐父所幸牽船來暴桑託春宇一昨聞敏門深情溢豪楮清俸

手自分朱提粲可數赤脚趨行酌長須亦歡舞鄰家驚廚烟庭花媚晴午

昌蒲雜艾蒜丁倒滿瓶
餼柰何債臺迫索券積尺許
鬚鬢百十羣敲窗復
蹋戶支吾澀言辭進退
蹇寸武涸轍仍告哀廉泉
近堪抒欲爲無厭求再
作外府取知君解金貂慨
然不余拒急計償米薪餘
力辦角黍是時久穉
旱我缶滿甘雨願益揚薰
風徧使獄生穰

時得耶羅少司
職除杭疑獄

重五日遊龍樹寺

朱明啓中序琴尊邀素心
烟蘿入微徑幽日開禪林
樹繞郊宮壇烏度層
城陰清風自終古後者還
思今

仲彝雲門攜具來同居喜賦一詩并柬官夫子縝

老屋三間學隱淪多君來此
息風塵已憐暮景催歸鳥
暫喜窮途對故人
濁酒一尊停夜月庭花半
架殿餘春東頭爲問蓬瀛
侶官燭詩篇定倍新

是日子縝亦
遷寓官夫家

次日牧莊子縝紫泉見過夜偕仲彝雲門匡伯小飲客散後作

華月纖纖欲挂簷東廚西釀偶相兼清談舊雨閒彌水脫粟荒年儉不嫌
客去茶烟猶繞戶宵深花氣漸通簾祇應棖觸閒情賦一曲鐙前昔昔鹽

子縝
子縝

雨後喜叟夫子縝偕陳汝翼庶常見過同雲門仲彝匡伯夜話

疏雨過銀河虛堂暢嘯歌人間知己少天上暮雲多短燭消更漏高言畏
網羅商量文字業莫問夜如何

寄秀水朱亮生明經保定幕府二首時督相過駐津
門君仍留會城

府主三公督八州疏狂書記世無儔軍門祇解能長揖漆室頻聞恃老謀
附體誰修張裔敬臥屍容得禰生留廣筵珠履三千客獨自悲歌學楚囚
雄藩保塞拱京華曠騎蕭蕭靜建牙勃海列屯傳羽箭潞河飛粟漲桃花

萬言盾墨常馳檄

行著防海私議治河
私議共十萬餘貫

八口風塵遠寄家頭白橫流何日

止相期歸去問桑麻

贈謝夢漁給事

拜疏歸來乞米忙羣兒騶騎擁輝煌
三朝白髮呼風漢五考黃門作病坊
殿上咳諧方朔樂詩中涕淚杜陵狂
憐余宋寔頻相過多事人間著漫郎

夏日借汝翼匡伯彥清叟夫仲彝子縝雲門飲滿洲某氏且園復從

叟夫飲對門朱郎家夜歸卽事呈諸君

城南馬廐新爲園雜花稚竹深映門
池臺簡略半未就時有客至羅琴尊
面東開軒數弓地佳日停雲暫相憩
窮途猶喜交材賢餘力同期治文字
庭前烟霧橫窗紗石榴如火紛天斜
清風時來入簾隙玉缸酒面飛紅霞
長髯短屐互行炙雄辯清言共駱驛
朱郎手持團扇來玉樹一枝照瑤席

芭蕉展葉桐陰交此外尺地皆炎歊醉中不覺人世窄仰見赤日行天高
是時至尊正憂旱神畿千里麥苗斷我曹冗食何所爲對此盤飧得無赧
柳邊隱隱鳴輕雷西鄰重見華筵開簷花一陣過疏雨轉向銀屏看月來

章子厚題名

方丈仙人本森茫一言腹劍竟披猖同文獄起清流盡宣訓誣深故后傷
倖爾黨碑聯禹玉終然弊法悔商鞅儻雷配字酬相諱空自題名記草堂

逃虛子集

北郭曾傳十子詩彌天神駿想當時海鷗遊戲真無賴香象超騰大有辭
赤脚已成和尚錯紫袍難得女嬃知程朱何與方黃事一炬煩人報少師

鈴山堂集

詞臣十載耦樵漁清望東山世莫如竟負焚香天上祝虛傳禮斗殿中居

邊防河套終捐棄直諫朝班盡掃除猶有一編遺集在不教隨例沒圖書

三相國尺牘

五宰相書能避瘴曾聞戲語出涪翁何來勝國三奸聚恍見陰謀異代同
孔雀羽毛悲盡落彪狐形影向誰工留都賣後終強死猶較袁江餓鬼雄

夏晚偕諸子坐龍樹寺馬櫻花下作

雨過夕陽澹禪房開綠陰微風交葦影晚色上花心飛鳥有時倦暮雲隨
處深徘徊無限意何似在山林

弢夫挈篋芬來同彥清諸君夜話聽歌

綠蕙香無歇言愁柰爾何晚風吹鬢煖初月媚人多詩意宜吳語茶光上
越羅王珉白團扇掩淚不聞歌

病中書感兼示仲彝子縝雲門三君四首

貧瘁與年進況堪災疾攻笑談成氣逆跬步卽途窮半世吟呻裏終朝轉側中此身今已贅溝壑任西東

滿目流民畫餘生尙百憂世途真偪仄天意亦沈浮漸有探丸警誰聞曲突謀吁嗟求雨意萋萋竟何仇

寂寞誰相慰知心得兩昆循良傳治譜文采起清門憂樂何人識科名侍爾尊大官方減膳溫飽事休論

樊澤真風義歌詩百感來家傳名將業身抱箸書才花月追騷意文章榮小災濟時應有待笑口爲君開

姬人張端以五月四日生今年逢閏示以詩五首

女兒佳節難重遇姊妹花開記閨娘小帖紅箋報端四燈前閒譜荔枝香

姬人之姊以閏月生故字閨姝今嫁金縣丞在閩中

碧帶新意試裁綃王母分來再熟桃怪底菖蒲花發處重臺還比五雲高
客中典盡舊釵鈿正是黃楊厄閏年一事總輸房老福秋風篋扇絕新篇
霧鬢風鬟不入時持家常得魏城知赤靈符在何須換長命新添續命絲
房中十賚儘堪誇七事新兼筆硯茶更有一庭紅醋醋供人插戴滿頭花

丙子閏端午戲作俳體

糗糞菰香酒泛蒲更料平節物入荒廚人量采縷身依舊裙臉榴花淚未
枯天上香羅無復夢心前故紙尙懸符祇應研取殘硃滴重續終南進士

圖

戲書雲門江城子菱詞後

多勞湘管譜菱詞天間箋成醉不知五月風花燕市酒千年蘭芷渚宮詩
黃金買賦人誰識綠葉尋春事已遲添得楚江騷客恨淚拋紅散刻相思

擬王右丞屋上春鳩鳴

微雨過林塘和風交阡陌柔桑環我垣垂楊蔭我宅倚樹飯耕牛臨流設
漁席門巷春事多永無遠行迹

擬孟襄陽松月生夜涼

明月出林間清露滴山翠鐘磬初已定泉聲偶來至旛風遠颭燈松影半
在地猿嘯不逢人負此烟中寺

擬儲太祝種桑百餘樹

人生貴自足粗能治田園藝稻五十畝種竹數百竿稻花竹陰中結屋十
餘間茅茨亦云整籬落僅自完後圃帶流水前軒面青山右灌瓜蔬饒左
蔭桃李繁租稅既早輸雞豚供祀先時亦速親友歡笑羅杯盤夏日綠陰
合棚架園檀欒置席北窗下清風盈我前雖有機杼聲不擾午後眠睡醒

夕陽下倚杖聽鳴蟬

齋中喜雨

自冬迄今夏望雨若朝飢況茲值暘暑一澆千金思何意水雲合積淖先
萋萋奔騰忽四注塊坳窮端倪簷溜緱烟霧竹樹交參差虛堂生萬籟庭
砌橫風漪靜看雨中色冥會林居時山谷杳無極白氣分茅茨松溝捲天
際蘿薜垂紛披江湖收俄頃魚鳥俱忘機新涼沁枕簟溼翠侵罽毼野老
庶滿慰聖人息疇咨莫問門外路泥深如淖糜

雨中示仲彝雲門末韻兼懷子緝

靜聽一庭雨虛堂秋已生翠憐新竹輦紅見晚花明比屋交簷滴閒門斷
屐聲池塘應有夢不盡對牀情

哭王敬庭弟

三年書未報忽聽訃音來久客悲風木視去冬葬無兒慟夜臺故人多不

壽循吏竟為災山縣儒官老令原一倍哀選令兄平訓導

哭劉鐫山師二首

兩月秋官竟左遷那堪羸博慟耆年奉常虛長諸卿秩下杜難營一頃田
人識劉寬真長者天教伯道促華顛傷心無子無孫語小築東堂倍黯然

師昔年築業縣堂初成故用舊丞相語

自慚老病倚深知淒絕彌留索序詩師今春曾以詩集屬訂厚德豈須文

字重清名長見後人思柴門永斷鳴騶日蕭寺難忘載酒時從此西街花

市地醉歌扶路不勝悲

夏夜靜坐和雲門

數點天街雨微雲碧似羅山痕分薄電樹色轉明河砌竹含烟密牆花上

露多清宵兩無寐愁絕郢中歌

剛庭下新筍佐晚飯

屢數庭前竹欣看雨後滋剛來新筍脆剛與晚餐宜小具園林樂無忘灌
植時故鄉三百个焦土不堪思

雲門送絡緯兩籠媵以小文情辭清麗作一詩報之并系小引

候先悉蟹產異螽斯傳聒聒之方言徵嚶嚶之雅訓涼鐙初上缺
月將升俾和苦吟庶振凡響清風將颺何異夜飛之蟬雅韻欲流
不驚夢化之蝶荻籠分惠花管難酬

絡緯勞將送才多媵綺辭翕清如我樂聒夜記兒時枕畔喧逾靜花間遠
亦宜悲鳴果何事竟夕不成絲

題子縝畫蘭二絕句

唱斷喬家碧玉詞一叢香草最相思不堪更著銖衣舞風露先愁欲墮時
綽約豐肌分外妍鏡中倩影不勝憐娥眉曼睩分明在孤負琴心已十年
丙子六月十二日寓齋作山谷生日祀以瓜果梅餠同彥清張夫仲

癸子縝雲門諸君作

老樹當門清蔭長茅堂三面薰風涼共爲涪翁作生日荷花一丈餅中香
佳客清才俱絕出相約瓣香敬風節就中壓倒鼉張流卻有樊詩與陶筆
主人五十身早衰奇貧尤似宜州時蘇羹玉糝劉飯晶咄嗟廚下猶能治
種竹數竿已抽筍紫縮寸餘不成菌作菹剛配西江詩味苦氣清嚼難盡
薄荷煎餅翠且菘豆飴堆盈紅冰酣離伶擊燭互上壽此亦先生槁木庵
題羅兩峯當場出醜冊子四絕句

出塞琵琶不忍聞妍媸誰向筆頭分黃金顛倒蛾眉事俎豆千秋是此君

劇中第一幅爲毛冠燕出
悉事以下皆戲中丑色

自謔端州出又新史家描繪逼成真八關十子紛紛現先補三元第一人
起滅烟雲又一時鏡中狐影總難知艸頭木脚恩恩了萬拜當場薛乞兒
淨色爭如丑色多稗官狡獪柰公何可憐腹劍千秋毒換得登場一曲歌

秋夜聽雨示諸同志

柔月苦炎熱所晒秋風涼霖雨及時至漸覺金氣剛枕簟怯晚就羅幃試
新鷓燈火如故我對案生清光今夕又雨作瀟瀟殊未央參差雜蓮漏斷
續淒寒蠶種蕉南榮下牆角多叢篁漸瀝稍可辨簷溜微相妨不覺庭宇
窄滿室聞清商坐聽遂成趣靜候鑪中香同居念我友疎簾隔秋房共聽
空階滴所惜非聯牀美人易遲莫况復客異鄉相勸葆真意無爲多感傷
讀書繼日力喜此秋夜長

秋日對雨作

蕭蕭急雨打簾櫳坐覺遙天爽氣通
四壁秋聲圍薜荔一庭涼翠上梧桐
泥騰萬騎邊關路露立千官御道中
獨喜閒身無事日方牀安坐對西風

爲潘星齋侍郎題秦宜亭歲晚江邨小景三絕句

扁舟載鶴來烟水不知處遙指板橋西
當門一松樹

茅堂對水開風貌映清絕爆竹一聲起
寒林落殘雪

野曠山空裏何人共歲寒黃壚無老友
酒甕畫中看

偶成

不覺詩成日已遲閒來窗下覆殘碁
秋花滿地蕉陰綠又爲斜陽立少時

仲彝招集天甯寺塔射山房是日秋陰眺望甚閒感而成詠

峇嶢古寺占清秋勝侶招邀又出游
孤塔迴風偏壓樹遠山銜翠欲依樓

蕭蕭落葉催人別

時子熾汝翼將南還雲門將往保陽

澹澹寒花寫客愁如此闌干幾回倚

暮鐘烟際足句留

題山樓對讀圖

無恙青山舊梵寮秋風幾度葉蕭蕭對牀把卷人何在愁問南湖第五橋

餘汗江敬所孝廉式賦長歌見贈寒夜走筆答之

我年四十齒鄉舉江右同舉有江公其年長我又十歲頗聞鄉里嘲龍鍾

三年京師忽相見面目黧黑衣麤甌自言計偕良不易枯甌守拙將終窮

故人宰縣有餘俸解囊相贈生春風繫君故人我薦主

謂房師陳軒堂先生門牆與

味能無同方今時世重年少弄姿搔首交稱工冠裳輒見越人走鐘鼓反

使爰居聾君已再上我三上暴腮折翼遭冬烘長安流滯不得去艸驢蹶

躡愁相逢一官我溷百僚底侏儒囊粟終年空君課小兒享三韭朝來暫

喜飢腸充相評到處可牛馬隨行所惜無驢蝨
竭來投我有長句情真造語無凡庸西江詩派本杜叟
半山曹洞稱旁宗縱論學術亦特立不倚漢
宋爲奴備嚴霜一降萬木落天地肅肅銷羶羶
回看桃李盡何有蒼然古色蟠喬松我曹俯仰豈徇物
遠計言貌驕兒童飯顆山頭自遊戲稚孫況復能追從
毛褐不具且無恤老讀異書窮三冬梅花一笑相嫵媚
會看春

色歸衰翁

君曾乞予題
梅花勸學圖

丙子九日敦叔彥清邀同孝仲紫泉仲彝叟夫瓊島登高訪遼后梳

妝臺紀以二詩

觚棱麗日照秋鮮白塔晴標百尺巔郭外風雲通極塞禁中樓閣出諸天
玉河曲繞千章木金闕平分萬戶烟多少登高萸菊會不知蓬島有今年
耶律妝臺事已除完顏樓殿創瓊華龍蛇旌影三霄仗金粉天香六代花

王母鏡開滄海日玉妃裙起赤城霞祗今太液秋光滿終古神居屬漢家

九月十三夜菊花盛開雨後月出偕叟夫仲彝梅卿於寓齋然燈看

花小設杯勺并招霞芬芝秋諸郎卽事有作

錦屏小試菊花天人影秋光一倍妍曲坐衣香添酒煖隔簾月影避燈圓

風塵客感搔青鬢蘭蕙騷歌託素絃莫道夜深霜漸白小車油壁在門前

寄嚴菊泉教授嘉樂嘉禾官舍二首

絳帷昔事嚴夫子年少文章獨被誇一別星霜成隔世故鄉滄海已無家

頗聞杖履今增健猶喜音書遠未賒五十買臣頭半白敝衣待詔尙京華

雲門講舍罷橫流老擁皋比向秀州釋菜儒官推祭酒傳經弟子幾登樓

鱣堂蘭玉分家學駕水弦歌應棹謳自古大師多壽考春風他日續前游

十二詩是七律正格也於古人之法無不備不止叙三
十年情事編曲無遺也世人能知此特標出之

初冬菊花猶盛招文昌潘孺初戶部在夜飲不至以詩柬之

歲星游戲逐兒童高躅逍遙見素風萬里棄家瓊海外一官臥病帝城中
悲歌屢爲憂時亟推解猶能念我窮底事菊花謀一醉壺觴今日不來同

東絨庭丈

不見先生久平泉正養痾圖書娛老富花竹閉門多志豈忘憂樂時猶寄
嘯歌初冬窗日煖曝背想維摩

送伯寅侍郎冬日再奉使東陵

東來佳氣滿橋山屢見行陵玉節頒輦路黃花迎去旆馬頭紅葉近邊關
徐無雪待褰帷賞漉水聲知攬轡閒園廟自來宗伯職暫勞卿月輟鶴班
絨丈以喜雪詩見眎走筆答之

下元節裏欣逢雪瓊葉親裁七字詩想見梅花深月夜幾回竹杖緩吟時

熏香侍女烹新茗倚膝嬌兒弄白髭自是人生清絕福笙歌錦帳有誰知
夜得絨丈書以新作詠梅七律見示卽走筆和韻答之

綺窗春信最相思驛使誰從寄一枝影落鏡湖冰破處香生紙帳夢回時
遙知官閣溫罍坐絕憶江樓玉笛吹何日扁舟侍公去竹筇鄧尉共題詩
爲汪慧生舍人題星翁所繢菊花傳壽圖

老去鷗波悟畫禪一枝相贈傳延年不須眞用餐英法坐對花光是淨天
先祖妣百歲生日感賦

舞綵髻年事遺孤百藥身一棺猶淺土四海此窮民典質供烹菽飄零媿
負薪淒然鋪席祭後顧更無人

觀伎

海上新傳舞鶴來細腰窄束稱時裁紅氍毹見梁塵落赤羽常先羯鼓催

足踞五花翻錦地身輕一鳥度層臺千金不少王侯賞只惜無人爲費才

贈朱郎霞芬調改夫

碧欄新茁一枝花璧月團圓是舊家勸客不辭金鑿落向人羞舞玉鴉又
偏移翠袖偎燈影常得紅顏映鬢華爲謝籠鵝王內史肯教丹訣換胡麻
絨庭丈復示近詩卽和其韻

歲寒閉戶寄徜徉稍喜南榮日漸長老去讀書如過影貧來節食是新方
倦狸臥傍紅爐熱佳墨磨添漆几香窮巷由來人迹少半庭積雪有清光
伯寅侍郎秋冬間四上東西陵賦詩一卷見畧卽題其後

我朝陵縣制嚴肅東右北平西上谷神京五驛無留程頻見重臣聘華轂
侍郎久直明光宮官佐宗伯兼司空園寢宜統太常職將作時領中都庸
軺傳一封按行去來往秋深又冬暮黃雲萬仞飛狐關紅葉千林督亢路

庚沽水會還鄉河冰易之浸交生波朔風吹雪大如掌亂流徑渡冰嵯峨
墩亭土鏗滿朔日暫解貂裘看山色題詩常使王侯驚沽酒爭爲市人識
歸來示我千珠璣清風一律無妃緜川涂簡宋屏騎從詩纏愁壓皇華駢
我生好游乏腰脚廿載長安昧阡陌春來蓄欲從君行楊柳青青杏花白
西山蒼翠花作棧田盤雲瀑松層層竹杖籃輿徧山寺衿衣更上十三陵

君詩有云風雷撼天牙
未飽更思搜勝十三陵

樂毅墓和鄭盦

生合奇兵五國來死猶埋骨傍金臺能軍世盡推騎劫愛士人惟禮郭隗
終使客卿淪異地空傳書語感奇才望諸莫表將軍墓知爲昭王首重回
丙子季冬十七日孝仲敦夫敦叔彥清匡伯弢夫仲蘇置酒越縵堂

爲余豫作生日且招秋濛霞芬兩郎奉觴賦詩爲謝

游桃嘉平月既望風日和霽如春妍南窗喜見晴旭滿不須楮炭紅鱗然

歲事漸促百不理室中坐臥依寒氈故人相約共治具爲我衰暮開愁顏

古人生日不稱祝况我孤露尤堪憐行年五十無一就所得霜雪滋華顛

二親未享一日養弟姪飢餓耕無田生值災星逼殘臘蓼荼百萃攻中堅

幸恃頑鈍得不死支撐病痼能增年每逢此日輒慘戚何敢口腹恣珍鱸

素心知我益纒纒特先十日開華筵芳醪佳果滿几案藪肴膾炙紛盈前

冬筍寸寸斲寒玉蒸煖肥滑堆吳繇談諧互作務醞藉禮數雖設無周旋

舍人博雅守家學窮經矻矻爭前賢謂李仲諸君各擅詞賦妙葩華絡繹供

丹鉛就中鮑叔夫叔同里巷清漳夾岸連華椽鹽官羊仲叔居稍遠海航一

日能來還海濱與越之三海口海王翰叔迴絕隔回浦會稽東部同山川

其餘四君盡同縣斜橋光相衡相連學仲居新河近匯郭西水區伯居陶

堰時泛城東船唐清居安門同學同歲分少長李仲秋夫同學伯情

亦兄弟 舊雨今雨無拘牽長安冷落守素業不附時局誇飛鷺天涯難得

一朝聚對此不飲真癡頑名花照眼更殊絕酒波豔映雙枝懸錢郎膚清

秋水鮮朱郎雙頰爭紅蓮手持翠瓊勸我醉玉山未倒先踟躕庭前翠竹

千琅玕斜陽晚晚催暝烟卷簾俄見明月上更分銀燭壁華筵

丙子生日定勇叟夫專庭仲彛梅卿枉過留之小飲即席賦呈

知己相從慰歲寒生辰聊復具杯盤可憐孤子終天恨猶博良朋一日歡

邴下伶仃同伯道客中僵臥比袁安奉觴難得雙花侍強解衰顏倚醉看

兩來錢

生日方飲酒間適雲門書來為壽且寄新什賦此答之

玉顏翠袖勸銜卮恰是瓊瑤入手時五日梅花馳薊驛一篇橘頌抵湘纍

殘年風雪天涯感獨客琴尊夢裏思為報旗亭零落甚更無人唱渭城詩

謂傳生雲門赴保定前夕余錄之招生不遂觀門賽來甚以不一見為恨故云

越縵堂詩續集第二卷

南風編 維翰承校

越縵堂詩續集第三卷

清會稽李慈銘愛伯譔

姚安由雲龍夔舉編

歲首二日潘星齋丈以七十述懷四律見示奉和二首

春風杖履報新年開八吟成第一篇竹葉觴稱新畫錦梅花香滿舊平泉

丈所居本宛平王文靖怡園

司空早領文昌省退傅長依尺五天老福期願詩更健白

鬚彩筆是神仙

坊築東西比二疏齊眉更羨卞田居圖書常自隨鴻案山水難忘挽鹿車

佛影臺中花放早鷗波亭畔雪晴初豫知燈節團圓宴蘭玉園林錦不如

先母生日前一夕大風獨坐京邸泣賦是篇

五十孤兒泣斷蓬亡靈慚對影堂中豈真白髮充朝隱虛負黃泉晒祭豐

先母臨終時語慈銘曰汝愛莊窮物不必復求他日富貴時語慈銘曰汝愛莊窮物不必復求徙宅分無酬教育首邱何

日得來同猶遲地下萊衣戲一盞殘燈獨聽風

丁丑元夜孝仲禔愈彥清弢夫匡伯仲彝小集寓齋并招錢朱蔣三
郎

杯盤鄉味試初筵同調才華盡若仙生世幾逢元夜飲帝都幸見中興年
鐙銜畫燭爭花豔坐簇春人比月圓轉瞬杏園風信好錦屏佳語喜先傳
是夕有燈
花之瑞

哭董芸龕舍人 文錄

才名三陸早知聞汾晉風流總出羣薇省久聯簪筆侶玉樓促召上梁文
望衡稀見憐同病念我無多更哭君爲憶令原持使節笛聲淒咽隴頭雲

謂規也
眼疾

燕九節出遊白雲觀歸飲豐樓得五絕句

百市爭趨太極宮不嫌燈節過
怱怱西山晴翠朝來滿
毳仗風鳶一路中
一花七葉北宗傳
玉哲方瞳尙儼然
獨憶蘇常高節在
無人玉帶禮儒仙
霧閣三層峙玉清
窗窺朱鳥自分明
釵光鬢影天河上
環佩虛傳下界聲
漸覺雲璈罷道場
風旛低散鵲鑪香
蒼松斜轉蓬壺影
閒坐闌干俯夕陽
鳳城歸路逐香車
重向東頭問酒家
消得當筵人一笑
層城開徧碧桃花
春陰瑟居有懷
叟夫仲彝

久與二君處相憐
壓駟行別來將十日
積晦滿重城
風義慚師友
天涯倚
弟兄事親成
獨羨餘力勛
科名

聞孝仲長郎玉綸郡試第一詩以賀之

同學今同旅
惟君最我知
喜聞君有子
勝似我生兒
絕業後賢紹
巍科此
日
基泮宮
芹滿擷
正及杏花時

上巳日禩盒招集極樂寺看海棠攜霞芬同往是日大風花尙未開

簪盞春明慰宋寥重三搯酒款僧寮風聲挾樹全趨水山色浮青欲過橋

弱柳低垂留客醉好花遲發避人嬌年年不負尋春約又向高梁趁錦鏢

偕諸同年長椿寺展鐫山師殯過師舊宅愴然賦詩

蕭寺淒涼絮酒陳望衡華屋倍傷神隔年撰杖都疑夢去魯公墓師於此買地栽

花已屬人骨肉一門虞殯聚合子仙洲及其婦皆殯此寺園林半畝別家春素旌歸葬

知何日慚媿侯芭老病身

莫春秦勉鉏招同汝翼子縝兩庶常弢夫仲彝雲門文冲集天甯寺

塔射山房憶去年春亦與勉鉏飲此會者八人以良辰美景賞心

樂事分韻余得良字久而未作今爲補之

餘春選蕭侶勝地依崇岡林深窈以闢面塔開僧房心閒得物曠吉日兼

辰良玉醴既斟酌蘭俎羅甘芳結契略言賞微醉資方羊憑欄俯後圃衆
卉敷天香嘉木漸以長綠陰晞微陽濛濛雜雨氣晦晦含雲光西山一何
媚埽黛窺東牆靜聽禽語樂遠度鐘聲長烟景亦云足何必思故鄉

偕匡伯仲彞游南頂

古廟松陰午夏涼繞門烟景似江鄉西山埽黛依城闕流水含情入苑牆
樹影直穿游騎駛波痕對裊酒旗長笙歌漸散衣香亂已見平疇滿夕陽

夏晚讀書簡弢夫雲門

人世日逼仄得閒還讀書眠餐支老境文字慰窮途時見王郎過相鄰樊
子居不知門外事花竹愛吾廬

夏夜獨坐待月思故山

明霞隱隱絳河灣舉酒時踞想玉顏風定一簾妨燭入花深三徑惜琴閒

天涯詩思偏宜夜故國秋聲欲滿山爲問舊時松栝影可仍流采照人間

自題湖塘邨居圖四首

久客勞勞未得還故鄉無改舊林巒谿橋曲抱漁邨隱竹樹深藏草閣寒
新水一湖人放櫂夕陽千嶂客憑闌游處少有烟霞癖頭白青山畫裏看
將母當年卜徙家只期終老課桑麻雨晴繞圃看蔬甲月出四鄰聞紡車
小舍周遮三徑竹輕兜來往一邨花傷心莫遂閒居願流落皋魚兩鬢華
海外爭傳四大洲窮荒烟島足奇游談天縱欲超三界埋骨惟須辦一邱
率土已無乾淨地仙山長見鬼神愁龍沙桑梓誰曾憊蠨蝨容身祇芥舟
八口飄零各一天先人馬鬣未成阡誰營安道居山宅虛繫思光上岸船
猶幸干戈留後死喜無兒女累衰年玄亭儻有侯芭在爲望他時辦墓田

借雲門夜過梁家園

纔隔笙歌地便無塵市喧秋光生積水月色定空園去馬催街橫殘燈識
寺門應知宵暑盡捉麈一談元

擬晉前谿歌二首

采菱前谿邊菱角紅有刺菱角雖有刺中心如郎意將歸奉郎嗜

谿上朱霞光照我紅羅裳羅裳雖云好欲以持與郎不如霞色長

送樊雲門庶常乞假還夷陵省親

君家勳閥高三川勇毅百戰天山邊韶州雄傑世辛趙至今畫像留凌烟

及君先世居四川三台縣默深聖武記係勇毅公阿翁桓桓擅文武丁國中

衰奮虓虎陷陳常占軍鋒先召對頗聞至尊許三湘專制熊當關一言忤

要對簿還手把六經授雙驥時亦射獵城南山君是僧彌更秀出弱冠聲

名蓋七澤負米常輕千里行備書能課一朝畢胸吞雲夢八九強意氣辟

易驅羣羊與酣落紙出詞賦跨蹕兩宋追三唐世上小兒逞輕薄兔園一
躍踞臺閣頂門衣鉢驅烏文經義紛綸抵彈雀余也臥病長安中蓬蒿塞
戶無人通君獨嗜痴百傾倒翻屈綠耳師跛丐自古師生論資格執贄猶
猶較階級此事自足風平千秋祇媿涓埃乏相及黃金榜上春風開簪花
直上凌雲臺家聲亦藉玉堂重國事正急連城才桂花如雨落山驛錦袍
歸覲好行色盛年報答君親長豈爲科名詔鄉國一尊相餞城西隅病中
執手重踟躕楚江雙鯉時來上并約陶敦報老夫韻什

丁丑九月京邸大風感懷四首

狂飈動地作商寒市徑愁陰晝掩關漠漠驚沙非故國蕭蕭落葉似空山
旅懷黯淡秋冬際病骨支離出處間爲問天公果何意不容泉石暫時還
無端旱妓徧神州千里焦原草不秋汲水絕渠將化陸太行積芟欲平邱

繪圖屢見疆臣告仰屋誰分聖主憂自歎此身輕一粟虛叨官籍佐持籌
頗聞桴鼓警西東白晝探丸大道中敢謂召災由吏治須知救死出民窮
夢思耕鑿平時福靜怯弓刀獨夜風碌碌侏儒真自媿坐麗衣食果何功
流水游龍日夜馳品題豪竹與哀絲誰云飢餓蒼黃日猶是承平宴飲時
天樂瞽騰如昨夢杞憂涕淚有誰知只須一醉生涯了莫忘高陽舊酒卮

秋夜聞鄰家兒讀書

結鄰僧寺曲夜靜秋蕭森玉雪誰家兒雛鳳揚清吟注澗水無礙縷絲緒
可尋天地氣不做讀書爲元音飢寒恃無恐幽憂恃能禁宵索彌以永堂
虛由茲深機杼相間作萬籟爲之瘖士爲四民首傳家賤藏金書種苟不
絕鬼神情亦歆愴懷兒時事趨塾差能任誦聲出庭際花竹俱悄悄一燈
恍如昨歲月悲馳駁五十久衰疾剝下無瑤琳繇延鑿楹業我身竟消沈

淒涼舐憤語酸惻緣撞心聽此不能寐裴回短牆陰左思乏嬌女阮籍稀
竹林隔籬誰與抱穿壁誰相侵媿無商瞿易重惜嵇生琴坐久更襟亂清
露沾衣襟

丁丑九日京邸偕子宜慶樂樓聽歌卽送其之官閩中

天涯猶得暫相過莫負登樓一曲歌老輩壺觴同調盡廣場絲竹感懷多
豫愁別後稀鴻雁長使山中怨薜蘿爲問人生幾重九黃花容得久蹉跎
廿年師弟重依依家破都愁面目非孤露久披東里葛郎潛空憶北山薇
風塵薄宦憐今始經術傳家似子稀明歲閩南相望處白雲應傍塞鴻飛

秋夜飲霞芬坐中作

明妝宛宛墮燈前白髮撩人一惘然鏡裏玉容能送老霧中花氣不妨禪
蛾眉難得乘金贖綺語從教衆口傳惆悵東晴西雨意驢情錦瑟有誰箋

雨後月出東王孫二君

雨後涼月出流影閒庭隅半照菊花寂斜映楊柳疏美人不可見清輝誰
與娛裴回獨成詠素心問何如

夜夢叔弟至京二首

死別廿年餘年來夢亦疏窮秋風雨夜魂魄忽依予遠道應求食孤兒可
讀書二親相見否泉下事何如

骨肉皆天末荒年得信難閉門僵臥久知子遠來看白髮驚人老青燈照
壁寒此中多土伯切莫戀長安

夜月甚佳獨行理詠意有所適如在山林邨落間賦詩懷故山子九
曉湖眉叔秋伊子縝心雲諸子

季秋今夕望皎月揚團圓清絕不可唾所至無翳昏人生幾良夜閒宋尤

所欣秋光滿今夕此後霜雪繁徘徊不忍睡負手循庭垣辛苦賃茲地傭
書良亦勤相隙植花樹面隱施牆援雖云一畝局頗足安琴尊幸得茲夕
暇吾心謝紛紜茶烟出虛幌燈火栖曲軒寒竹猶自翠黃菊開已勻一角
籬影短依依繪田園明知逆旅暫霄漢情彌敦遙念山中侶松下能清寒
安得共延佇幽討期忘言瑤華不可寄蕭寥誰與論

子宜瀕行再來別賦詩送之

萬里茲爲別西風落葉時親朋今散盡老病更誰知勸爾千秋業悲予滿

鬢絲何年重聚首忍淚話臨歧

格作
故

爲星齋丈題西庵探梅圖二絕句

曾聞西庵梅千樹今見吳生畫裏來林下水邊無一客年年蕭瑟爲誰開
山信頻煩寄一枝雪中猶記昔遊時疏花空際誰能賞孤權衝寒獨詠詩

立冬日再集同人飲寓齋對菊然燈有懷仲彝子縝少貧心雲子宜

雲門諸子

居然有菊即重陽

東坡十月一日海上作重九詩自注

循例花前作醉鄉翠袖故為今夕

煖錦茵仍接隔句香不須溫帽隨時俗

馬融中華古今注魏文帝立冬日賜百官溫帽遂以為例

自愛

華燈駐景光只惜酒人今散盡無多天末共霞觴

得子宜津沽書卻寄

海上一書至天涯十日思窮途憐老病多難重分離吾道孤誰託交情死

可期禮堂虛寫定炳燭惜衰遲

書中亟欲寫余所著書本且謀與同人合力梓行

小雪夜菊花猶盛邀牧莊禔盒彥清叟夫小飲寓齋即送叟夫還台

州兼懷子宜越中雲門楚北

琴尊客裏暫相親小雪圍鑪覺自春薄醉花光都帶酒初寒燈影倍依人

眼前綽約千金值別後星霜一路貧莫惜夜深貪久坐天涯幾處月如銀

哭仲弟二首

噩耗傳來慟朔風對牀前約竟成空方期衰令生非晚誰謂龐公日已中

弟今年四十七無疾而卒故用南史竇昂語及龐居士事老境久思依骨肉荒年從此了貧窮三間破

屋都無分一領牛衣當飾終

生前汲汲百無歡翻幸無知到闔棺健婦卅年重問訊諸殤九地定團圓

弟前婦陳孝廉儲之女持家甚謹勤已二十八年前後生三男以次殤膝前更想依親樂泉下差應比世安

顛倒轉思莊叟語靈牀琴絕不須彈

越縵堂詩續集第三卷

越縵堂詩續集第四卷

清會稽李慈銘愛伯謨

姚安由雲龍夔舉編

戊寅第三歲日立春日號

入年三日便交春綵勝桃符未覺貧爆竹煖催梅萼放燭花紅映菜盤新

侍郎分俸能充饌謂伯實中舍貽醪足度旬牧莊五十尙貪童戲法不

須藜杖強扶人

人日至晚遇雪喜賦比歲火較憂旱方

草堂人日正停箋喜見梅花趁雪天三徑漸看成月色萬家從此起炊烟

久勞玉御修清醮深望珠璣報有年爲想瑤池王母宴不誇瓊圃對神仙

李蟠人日遇雪應制詩即此神
仙對瓊圃何須繼述向瑤池

又戲爲人日雪仿唐人豔體詩寄子宜雲門彥清子縝和之

錦屏贊帳貼人忙微雪春生白玉堂勝裏金花添冷豔釵頭綵燕貼清光
定知絮入椒盤詠卻恐梅迷鈿額妝聞道燈山新上色五雲樓閣在微茫

唐崔日用人日詩金屋瑤闈賀勝
花箋採筆頌春椒第五句用其語

二月三日送彥清歸里二首

天涯相惜鬢絲斑送盡窮途旅客還貧裏向人皆白眼夢中何處是青山
獨支老病滄桑局強附窮愁著述間此後酒釺應更寂好花誰與一開顏
此去江南水接天故鄉歸及洽春先酒香簫鼓斜陽社人影烟花上已田

羨爾東皋攜眷屬幾時北郭續因緣君世居昌安門外為越北郭亂後寓阜步練裙少長俱

無恙孤負今朝藥玉船東坡二月三日宴客詩試開盤夢滄兒酒快處錢唐藥玉船

戊寅春日種樹詩

我生喜種樹隙地常勤治賃廡得一晦手自開町畦土瘠苦難活巡行日

培滋餅甕或親抱蕪蕨加芟夷今歲值大禳柴立長苦飢質衣尙爲此栽
植盈階籬山桃亦已華水楊初含萐杏李半坼萼紅白何離離丁香吐紫
菑壽檀燿黃蕤海棠孰夾侍櫻桃與欒枝欣欣向春暄撫之殊自怡一年
幾辛苦所晒花開時此得豈償失暫樂能忘疲雖云費日力聊以息我機
萬物遂生意四時驗功施無地得自效吾心自孜孜作詩論同志此事非
荒嬉

輓星齋丈四首丈與厥配陸夫人以同日逝故有末章

分野沉雙曜朝廷喪五更鬚眉猶昨夢俎絕平生公去稱全福吾悲失

老成淒然臨訣語書字不勝情

公適前一日作書與余別書成自謂字不工復手設之

少日佳公子連雲甲第開衡文窮六詔平步阻三台稚澹能持俗風流祇

愛才平津花樹好東望獨徘徊

海內論知己公家萃一門詩筒花萼遞

謂叔丈

槃饌竹林分

謂伯實侍耶

傾吐皆

肝鬲商量總藝文靈牀琴獨撫一笑想凌雲

鶴髮童顏伴清閨樂有餘劉樊同拔宅卞傳自安居似此真偕老相隨返

太初遙知三島地白鹿晚軒車

王氏妹書來言仲弟淺殯草間未得一抔之蓋賦此志慟二首

亂後全拋負郭田一棺苫覆越江邊牛宮轉羨生前樂蟻穴深愁日久穿
半世飢寒無爾顧九原狐兔更誰憐先人何罪身何罰慟絕蒼黃欲問天
十載長安鬢髮皤囚山窮鳥日悲歌人間自歎荆榛瘁地下尤傷骨肉多
負土已知無子姓首邱猶冀共巖阿眼前弟妹俱貧弱日炙風吹柰爾何

夢潘星丈

一別鬚眉渺典刑夢中綠野話平生窮途易切酬知感老境難勝憶舊情

門外輪車過慘咽

前一日丈出曠某寺與一其過余門邊送客見之竟不及也

案頭箋札尙縱橫歲寒

扶杖頻相慰腸絕南來斷雁聲

去冬桑間仲弟之計過噴者惟丈及同鄉牧莊臧食三數君而已

絨文書來言新用杖不出門因以海昌白菊仙居野尤爲壽賦寄二

首

流憩資扶老園林乍策功豈嗟彭祖晚聊與木公同雨後朝眠起花時午

酒中媿無鐵柳栗還寄樂全翁

甘井菊能壽靈田尤最良泉通天目活雲帶赤城香昨有還山信傳來卻

老方餉公權當茗叟杖一相羊

寄王景瓊表兄二首

文獻東南鍛鏤家儒官祭酒髮垂華芝蘭自繞盈庭樹桃李長添一縣花

甬上衣冠看釋菜海墉文武列鳴笳弦歌能化錢刀氣坐擁皋比勝建牙

中表崔盧是世親，郭西坊巷復相鄰。十年長自修兄事，二頃田猶念我貧。
白髮光陰同作客，青箱子弟獨超倫。何時歸老茆堂下，對占霞川一曲春。

謝王景環饋猪桂野朮

桂父千丸世久誇，商邱服朮駐容華。鳥銜徧地初成果，龍蛻何年不記花。
丹質猶封猪峒雪，赤斑微點嶠城霞。故人此惠兼金比，何必遙尋句漏砂。

上虞連明經兄弟以幣乞課其先人訓導君仲墓表三年請益堅

文成寄去復媿白金酬之以詩

世上小兒誇捷徑，但憑官職不論文。輦金爭自求居易，覆瓿何人問子雲。
不作媿辭差信我，肯輸重幣獨憐君。賦詩聊用驚流俗，先德千秋播孝芬。
夏晚雨後月下坐涼作此柬孝仲病中

好風自西來，晚雨過微徑。披襟如當秋，稍喜庭宇淨。綠樹吹細涼，孤花澹

欲定明月升東簷流光照杯斝搗几就其間蕭然理清詠我生固天窮守
道恃能聽讐人非理爭退處不受橫積憂似聚兵善解等脫窳景光偶可
乘暫時樂吾性七情遞爲帝一豁乃僞聖比日多悲懷觸處入淖濶幸此
俄頃間行坐返其正張子亦瘁士劬書夜未竟徒步直東閣且往返以暝
微診或相感百病雜然應我聞園土囚一身木爲命偶然負牆立搔摩樂
餘映又聞尹氏僕執役日力併夜夢爲王侯恣意無與競人生亦何常轉
瞬易季孟長安冠蓋徒襪襪爭造請歸來對妻子面目熏餽釘一心菅無
主四體概所令蜚鴻千萬羣飢餓劣支脛得粥偶一飽斲眠不知病取彼
兩相較得失果孰勝願子養天倪不授物情柄隨事取寄適膏煎豈易罄
一語出達觀萬倍良樂贈樂於榮啓期斯言非吾佞

陶文沖以手采新茗及其家人所製筍脯乾菜遠自越中寄惠賦詩

爲謝

越山茗似幽閨妹長眉細頰玉不如嫣然掃黛奪天綠鵝黃覆額髮半舒
點之細乳發輕碧雪敷花展浮珍珠龍井作娣洞庭姪顧渚作婢芥作奴

湖庭謂太湖之碧螺春所舉皆浙產耳宋人茶有烹點二法烹者煎之
點者今之瀹浙東西之茶皆宜點而不宜煮東坡詩自注有點日注絕佳

之謂日注即日注也
筍出裏山亦殊絕粉指攪攪擢寒節翠襦深裹冰雪肌鳥爪麻

姑比猶劣連畦芥脰尤南珍三十蔬品無與倫鬱之愈久香益發風味清

古如幽人我生近山習田畝紫甲青尖夙能有誰令墮落泥翠中鄉味流

次滿饑口君獨念我塵膠牙人山親采騎火茶碧甌封題遠將寄駿以糗

谿甘菊花竹胎脫細百十束綸組干純嫩於肉紅鑪手焙煩細君籊筥團

團壓踞罇竭來淪試松風長消渴不藉甘露漿寒廚三韭頓屏斥午飯吹

徧鄰家香長安十室九枵腹穉年疫厲併溝瀆救之無術坐享此恐君折

我樂齋福

酷暑中禊盃來饋荷花且賦新詩約爲十刹海之遊賦此奉答

炎官虐燄恣三伏老屋打頭日跽跼無人裹飯看子桑飲水枕書過幽獨
故人念我來敏門清風謾謾迴笑言爲道北湖好風景荷花十里開朝暎
一畝泉流清鑑影三坐橋邊爛堆錦折枝攜示風露鮮豔豔紅衣照几枕
比來思風江湖除日遣入市買此花銖衣不整髻鬟倒膽瓶一夕添光華
君言一樹未能飽萬柄亭亭夾城道雖貧下澤尙能辦莫負凝妝待清曉
稔我積癩難昭蘇新詩百琲投明珠上言同志重聚散下言行樂排憂虞
樂城妖言幸已息今年五月間京師說旨迭與愚民定木飢火旱亦將
極歷劫不死非偶然邪許勞歌慰貧力我聞君語起蹙然喝人休越如登
天攜君京雒花游曲同上河隄黃篋船

雨後輕陰借禩盃攜家人游金鰲玉竦橋至十刹海看荷花飲興侍

郎水榭作

苦熱得雨如解醒羊侯促我湖邊行天公亦憐久不出朝來不放驕陽晴
一鞭西穿鳳城入玉虹高跨苑湖直五雲樓閣環鏡中潦水中分萬花立
提鵬挈鶯香徘徊玉泉蜿蜿城西來宮牆曲折繞花苑時見樹隙湖光開
萬壽山西碧葑展積水潭東白波輭緋霞縞雪相澄鮮翠蓋千畦共舒卷
高槐古柳雙隄長清風踈地鞭絲涼朱門夾水照華好憑闌各各凝紅妝
侍郎水檻更清窈六六明窗俯花杪鴉鵲對對不避人花香衣香互繚繞
君攜蟬鬢萼綠華後車我亦馭簾沙安得湖中買船住竝舫各借花爲家
花光忽斷百稜稻風葉翩翩翠如埽田田大有江南風令人不思故鄉好
沿流莫問蝦菜亭西涯漫園餘草青卽此碧紗數弓地他年未必能重經

不見西鄰有華屋主人三吳轉漕粟昔年我亦結侶來曾借樓居縱羈目
樓高下瞰湖之中生香十里玻璃風夕陽倒射碧簷影湖光朵朵金芙蓉
居者久化樓亦否來者今存十無九而我貧病猶看花安用臨風搔白首
羊侯傾藁營行廚流連魚鳥相怡娛回車更約經太液飽看蓬瀛金碧圖

壬申夏余與朱肯夫張香濤陳六舟謝澤伯吳清卿王康生諸君來遊飲
於浙江營樓道奇克坦家今奇君久歿澤伯亦亡六舟守瀛肯夫使湘清
瀛別于役河間將四上雅琛生客蜀在京者惟余與香
耳奇所居有樓與今盛京侍郎與鳳宅四接也

七月一日奉簡孝仲病起且答其秋遊諸寺之約

伏日劬書不自休喜看涼瑣轉從頭閒庭莎綠初含雨遠樹蟬聲漸變秋
終日門闌本無客偶然腹飽更何求西風張籍沈疴起先約城南寺寺遊
鄭君生日欲具酒脯之祭苦無同志賦詩解嘲

化帛端門瑞再呈赤符衰運紹蒼精六經日月明常在千載蟪蛄埽又生

仲遠不勞解弟子本初何事具壺觥陳書庚子先賢例束帶難勝仰止情

鄭君經注今存者詩及三禮以外易世近儒皆有輯本榘概已全論辨雖有輯本不能成書學經注則是否出於司農未有定論故止曰六經

七月二十九日王厚齋尙書生日許竹簣朱鼎甫兩編修袁公虜戶

部濮梓泉庶常觴予於松筠巷爲豫作五十之壽賦詩奉酬二首

雲物清秋近帝闈勝流裙屐展華觴生辰爲借深寧叟佳事長流諫艸堂

敢冀家傳比麟鳳厚齋與弟太常博士應鳳同日生相期晚節勵冰霜百年耆舊凋零盡

修敬居然到漫郎

甬江私淑自平生困學樓居舊系名余說書一小樓先君子願之曰困學後所得書皆儲其中經亂悉燬孫退

立山人詩所謂困學齋樓已作廢者也異代經師尊伏勝九流學海匹康成讀書深媿知非

晚聞道還期炳燭明厚齋自題困學紀聞云炳燭之明用志不分勉接東南文獻脈坐中廚願

一時英

戊寅中秋時孝仲來寓齋中感賦二首

明月入吾室仰看河漢流百年憐二鳥四海共中秋到處悲歡異浮生老
病休著書徒自苦急爲稻粱謀

寥落天涯裏荒齋酒一尊秋林危墮葉皓月自當門計拙安身賤心閒覺
道存斯民艱一飽吾事且休論

苦雨謠三首

秋霖積日慘不開太行黯黯愁西積農夫九死補田作坐看辛苦成污萊
黍子垂頭萬黃粒丈半紅竿颺秫秫方覲暫飽儻積飢詎料垂成委枯銜
天公愛物儻無私朝廷旰食施淖糜天心君心本一體始知災沴民自爲
我釜無魚甌無粟謁鬼不通日炊玉飽看雨腳愁向天豈惟野老吞聲哭
桑乾水自樓煩來挾沙橫決如奔雷縉錢告絀外絳困危隄巖巖常崩摧

神畿南北一河繞南岸
蕪危北隄倒積年
薇蕨晒雨工十室
一歸復逃滂
我乏羨卒半晦田
太倉斗食饜無緣
蜚鴻滿野心悄然
豈但墨突無炊烟
頽雲缺兌現雌霓
雨勢騎月夜益急
東榮震裂西栢傾
昏巷沈沈萬憂集
蓋頭未得三重茅
瀧瀧簷霤百窺號
四壁股栗撼牀動
一燈危與神魂搖
傭書力賃三間屋
流潦滿庭帶溝續
何事復取造物嗔
童僕愁冤嬰婢哭
人生呼吸皆由天
幾家高枕能安眠
排牆死亦等化耳
蘧蘧安必非真仙
君不見東華門外
火城溼千官
陛楯雨中
立馬蹄騰蹕
絕淖行漆室
遑知
有人泣

招隱辭

有序

淮南桂樹以招隱士出而仕也余之所歌屬招于隱名同旨異不

必云反沮溺丈人風斯遠矣

主人端憂客進言我歌能令公解顏公胡不歸雲門山峯峯巧挽青螺髻
桂花未老楓葉丹溪流曲曲如玦環山回竹斷逢飛泉鐘聲十寺斷復連
花深一磬穿秋烟秦望翠若波濤翻鑪峯危戴雲中冠下有陽明古洞天
令人一步千回旋湖塘十里開平川屏風列嶂丹青懸青林碧篠圍檀欒
華屋鱗比盈萬廬白雲突出紅樓妍開窗面面環青蓮柯山巖壑如雕鐫
秋清峭壁藤蘿纏一磴窺湖湖鏡圓沿湖邨邨鳥柏殷斜陽盡作胭脂斑
下接菱罨繩相牽時見菱女小艇穿湖山之美難具宣公胡不具獨鹿轅
或舁籃輿相後先佩壺挈榼從青猿有時載酒上畫船古書摺束縹緗聯
古香佳槩四部全香鑪茗盃無俗頑斑絲隱叢輕勝縣奇器一一隨方圓
名琴雖設不取彈越女之白天下傳輕鳳弄玉雙嬋娟絳襦織頰玉削肩
墨鞋幽靚花爲權淡妝炫服各自憐捧卮含笑來公前爲公拂几排牙籤

粉指印滿青絲編有時研墨調丹鉛校書既畢哦詩篇日注雪芽百跨團
對山時汲清泉煎家家打稻香滿田煮菱剝芡烹魚鮮團臍大螯不論錢
公平一醉能忘年近遊旣足遠亦便西湖百里桐江間頭亭艇子十丈寬
漁姬婉麗能管絃挂帆直上嚴陵灘水色縹碧之作灣夾以千仞青峯巒
交柯蔽日竹萬竿瀑布四界飛猿緣九里梅花邨在邊樹腰十圍花似拳
花飛亂點珊瑚鈿東出剡谿就輕篔天姥雲際修眉蜚天台赤城一徑攀
國清異境開仙寢松陰布算聲鏗然賢首道場花蟬媿古德不談衣鉢禪
三生香火公所安盡繙貝藏窮涅槃上尋華頂躋華鬘金光昱昱摩天關
霞飛百道星辰攢藍橋萬丈游蜿蜒下俯清溪激奔湍薜荔絡趾雲生巔
當之六月生清寒林棲每見堅牢仙斲苓隨向楓根眠公平此樂儕喬佺
采芝飯朮壽且千丹巖碧海常來還胡爲五嶽胸鬱蟠人世逼仄何足歎

我起公疾公無難願公輕齋駕歸舫

秋霖忽晴東絨丈爲酒壚之游

忽地商飈起沈霾一掃清天心娛晚節老境愛秋晴樹脫欵巾便苔乾曳
杖輕寒衣雖典盡酒市且經行

秋晴憶越中光相橋故居

鄉心且莫道林泉卽論城居也似仙橋市玲瓏隔秋水山亭峭蒨出寒烟
微風巖桂臨街宅落日湖蕩上堰船西寺鐘聲如舊否幾時紅鳥著僧邊

光相寺卽晉之
四寺近殿于殿

題曾退庵舍人縣文明瑟山莊課讀圖

丹黃三萬卷卷卷手親模退隱疏泉石清芬入畫圖水分烏目澗花迓紫
薇壺家法茶山老風流在海虞

送孝仲還里二首

病裏持君別相看乏寶刀疲驢扶羸疾短褐犯風濤十月重洋險千山落木高故園松菊在息影解天戈

困極營營吏還回已十年微官方挂籍一病遽歸田祿薄家人怨身羸路鬼憐吾衰君更甚搔首問蒼天

戊寅冬初雜感四首

朔風凜冽起庭柯一夕長安落葉多南去波濤窮勃海東來陰雨接黃河
豫愁鴻雁天邊少誰見壺觴客裏過千里瘡痍家四壁許身稜契欲如何
太行西去地皆童又報東南徧澤鴻楊可告縉心未厭延齡除陌計將窮
救荒自詡疆臣策轉餉虛論賈豎功終見大夫與椎酷賢良調語等書空
絕島東番郡縣開又疆周索出輪臺天驕金帛終何極橫海樓船歲幾回

拓地祇縱餘善去，和戎待縛鬼章來。
河湟解辦維州入，始信僧孺是下才。
金印虛懸鬼一車，競傳夷俗變中華。
鄴流已壞離牟法，鑿空爭乘博望槎。
未必拔釘輸趙賦，深防賣國繼吳牙。
梁公祠宇人間徧，寄語纖兒好作家。

孝仲嘗饋白燭今夕用之盡矣孤坐有懷卻寄道中

蜜炬貽來爛似銀，青簾寒照苦吟身。
已悲形影分千里，猶愛光明爲故人。
溟海可能無疾苦，今宵何處息風塵。
幾時相對山窗下，聽雨挑燈共細論。

立冬日東鄭僉侍郎

玉衡指上冬八能，按鍾呂勞人喜養夜。
志士悲短序，寒日何蕭條。
落葉積庭戶，朔風偶披幃。
寂寂此中處，故人昨有饋。
炊烟偶然舉，課童補窗壁。
暫計息羈旅，菊花亦耐久。
娟娟依寒宇，因之念故園。
束籬沙何許，紅葉滿空

山誰聽靜中雨

對菊作束紱丈

閒對數枝菊誰來酒一尊
家人聊煮茗暖日不開門
爲想退吟安蕭然獨
樂園扶筇應一笑詩意兩忘言

孟冬十七日雪晴後紱丈賦詩見簡用韻奉答

放翁生日罷銜卮

時或以
病戒酒

正及頭番雪下時
一夜梅開江上驛
半庭山入

畫中詩烟筇鏡權情何限
桐帽椶屨事最宜
猶有風懷堪把菊
初晴籬落

寄相思

得孝仲滬濱書計近已抵里雪後訊之

鴻雁盡南遊之子與余別微言誰共參
蕭寥我心結昨得申江書行程趁
寒節霜風吹五兩中流一帆絕照見歸人影
斜陽與明滅遙知抵里門三
徑掃除潔晚菘翠堪把殘菊黃未折
款款親戚話曖曖松柏悅日午開門

看遙遙數峯雪

秋末屢約禪龕仲彝君表游西山許竹簣爲言翠微山祕魔崖之勝
勸先游之又以事阻近日得雪山思益深賦詩柬諸君子

夙有山水嗜微尙屢難愜太行峙京西靈區未嘗躡頗聞翠微山麗矚近
可涉舊壁飛清泉層巒絢紅葉藤蘿互雲衣松杉舞霜巖穿林得縣崖了
了見城堞杖策旣取便鼻躄亦云捷祕奧雖未探勝趣暫能協譬如讀異
書大義粗涉獵我聞元度言荷裳待先攝相與邀素心共理前齒屨人事
若不恆病魔復余懾佳賞一以負幽徑孰先躡烟霞每納夢蒼翠常在睫
昨夜雪初下山理繪層疊想見烟寺深寒光遠相接安得借僧樓撥火擁
經笈冥與鐘聲會靜聽鑪香裊寒淙玉細響凍竹冰半摺寥寥茶烟生山
情此時帖

寄懷雲門修志荊州

錦袍載酒仲宣樓西陝聲華據上游
江水寒消洞庭雪峽山樹接渚宮秋
文章銀筆三千紙賓主珠槃第一流
應是歲闌催省覲梅花官燭送歸舟

冬晴早起再柬絨丈和前韻二首

天心藏物候吾道閉門時
葉禿樹能靜石寒山益奇
詩情爭雪艷老境與冬宜
自有春和在應從杖履知

晨興巾櫛罷茶熟粥香時事到窮途
少文從晚世奇論交千載足閉目一
生宜負日南榮意黃花與我知

絨丈再次韻見柬復疊前韻二首

官閒詩成後寒門鵲噪時迹疏情更密
文少語能奇寒夜留燈久荒年減食
閒身憂樂意應有古人知

看書還讀畫消息總隨時瓶小樓花豔冰殘闕石奇三冬棉襖足一飯菜
羹宜此福人間少休令俗客知

仲彝爲余贖羊裘詩以志謝兼寫所懷

一領羊裘直十千禦冬深荷故人憐綈袍贈豈同須買袂布寒猶媿百年
兩世被衣無此物先大母先妣皆以奉佛一家短褐自前緣京邸中家人皆以絮衣遇

冬宵來別有安禪法絮被如烘裹足眠安禪字見范忠宣詩

絨丈三次前韻見柬復疊和六首

奚童頻走柬剛及早炊時我力看將竭公詩愈出奇心邀迂窳賞銜署漫
郎宜裴白聯吟事風流定可知

爲道貧家樂晴窗日到時茶光如雪淡香篆得風奇赤糲堆盤熟銀魚入
饌宜山姬還解事薪盡不教知

糊窗施阜帳商略過冬時日影侵霜薄霞光奪雪奇風門桑紙厚石炭瓦
罏宜車馬門前路壺中自不知

插架書多散難忘閱市時才從三史富老覺六經奇青帙圍牀徧丹毫點
句宜畢生高密學心事禮堂知

亦有消閒地添香注水時畫耽唐法密碑愛漢分奇花影當簾靜松枝拂
几宜晚來還理詠消息寺鐘知

應門虛設簿絕少客來時戶礙蛛絲巧牀看鼠迹奇家風盤谷舊詩派武
功宜似此嬾婆樂還教洛社知

諸妹及舍姪皆寄金爲壽貧家拮据遠道辛勤得書悲來無端詩以

寫之

劇憐作苦寄金來鄭重封題忍淚開孤露餘生何足算飢寒諸妹獨相哀

十年骨肉分存沒半世功名竟草萊
贏得向南增一慟天涯誰與勸銜杯
十二月十五夜敦夫子縝月下見過次夕望月色尤皎作詩柬之
歲暮數佳夕清輝今倍寒徑猶三益待月隔一年看老樹鴉聲噤虛簾燭
影單耽吟應不寐耐冷倚闌干

東坡先生生日同年曾君表羊敦叔兩比部陶仲彝郡丞子縝編修
鮑敦夫陳汝翼兩編修楊正甫舍人搆廚傳過寓齋爲予豫壽五
十賦詩紀事三首

梅花深雪照瓊筵剛是南飛鶴降天詩虎酒龍千里聚瓊枝壁月兩行妍
有樂部殿
芬誦耶殿已知此集傳圖畫自覺清談勝管絃良夜百杯應不惜人生能
幾到華顛

戒公過嶺話將迎我亦瞿曇記再生

余前生爲
天台僧

笑學雄文成畫虎差傳豪

氣欲騎鯨命宮宿柳猶非匹酒戶量焦足並名忽憶卯君琴已絕香盤拄

杖不勝情

謂去年仲弟之痛

游戲紅塵鬢已華耕雲修月作生涯謫仙再世丹元子書吏新宮蔡少霞

笠屐隨緣成舊雨海天一醉借名花題詩他日推庚甲九老同過李安家

是日主客共九人

東絨丈病中時臘月二十二日

聞說維摩蔡小災護經簾下待春回靜聽樂鼎消殘臘細嚼梅花當宿醅
魚粥和錫宜緩款支筇看鶴亦徘徊一聲爆竹微疴失會乞甜鹽潤筆來

川是日李編叔偕希韓德爾天齋寺四茗首坐品茶事

越縵堂詩續集第四卷